



Ukuhlomisa izingane zethu
ngelikusasa

SS 1

Isihloko sesifundo: UJesu uyabhapathizwa futhi ubekwa nophawu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **UJesu uyabhaphathizwa futhi ubekwa nophawu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 1. 2.4: Uyacelwa uthinte uThisha wakho we- SS 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	UJesu uyabhapathizwa futhi ubekwa nophawu
Umbhalo weBhayibheli	NgokukaMathewu 3: 13 - 17 noNgokukaJohane 6: 27
Inhloso yesifundo	Izingane ziyabona ukuthi uNkulunkulu wayivuma kanjani iNdodana yaKhe; Wabhapathiza iNdodana yaKhe ngoMoya oNgcwele. Nathi sibekiwe uphawu ngoMoya oNgcwele ngalokho-ke saba ngabantwana bakaNkulunkulu.

Isifundo esifingqiwe:

- Abantu abaningi beza ukuzolalela uJohane uMbhapathizi eshumayela futhi bezobhapathizwa nguye emfuleni iJordani.
- KuJohane ukubukeka kwangaphandle komuntu kwakungabalulekile. Kubonakala sengathi wayekwazi ukubheka enhliziyweni yomuntu futhi abone okufihlwe lapho. Lena mizwa yangaphakathi yayibalulekile kuye.
- UJohane washumayela okuningi mayelana nesikhathi sokuphela nokuthi abantu badinga kanjani ukuphenduka balungiselele ukuza koMhlengi.
- Wabhapathiza labo bantu abaguqula izimpilo zabo - abantu abaphendukayo.
- UJohane uMbhapathizi wavele wabona uJesu njengoMesiya ngenkathi uJesu ecela uJohane ukuba ambhapathize.
- Ngokungathandi, futhi nangokugcizelala kukaJesu kuphela, uJohane wambhapathiza uJesu emanzini omfula iJordani ngendlela efanayo nabo bonke abantu abaphenduka.
- Ngalesi sikhathi uNkulunkulu wayivuma iNdodana yaKhe, uMoya waKhe oNgcwele wabonakala wehlela kuYe usesimweni sejuba futhi uNkulunkulu wathi: "Lo yiNdodana yaMi ethandekayo, engithokozile ngaYo."
- NgoMoya oNgcwele, uNkulunkulu wanika uJesu amandla adingekayo empilweni yaKhe yobuntu.
- Nathi futhi sabhapathizwa ngamanzi (Ubhapathizo oluNgcwele) sagcotshwa nangoMoya oNgcwele (Ukubekwa uphawu okuNgcwele) ngalokho-ke saba ngabantwana bakaNkulunkulu.
- Kumele sibhapathizwe ngamanzi ngaphambi kokuba samukeliswe uMoya oNgcwele.



Ingabe sisho ukuthini lesisifundo kithina namhlanje na?

- UJohane uMbhapathizi wambona uJesu njengoMesiya / uMhlengi futhi ngokunganqikazi, wambhapathiza uJesu emanzini omfula iJordani.
- UNkulunkulu wabonakala egcwalisa uJesu ngoMoya oNgcwele futhi wamamukela njengeNdodana yakhe.
- Nathi samukeliswe uMoya oNgcwele (Ukubekwa uphawu oluNgcwele) ngakho-ke saba ngabantwana bakaNkulunkulu. NgoMoya oNgcwele samukele impilo entsha ngaphakathi kwethu.
- Kumele sibhapathizwe ngamanzi (Ubhapathizo oluNgcwele) ngaphambi kokuthi sibekwe uphawu.

Eminye imibuzo esingayibuza:

1. Umbuzo: Ingabe yini uJohane ashumayela ngayo emfuleni iJordani na?
Impendulo: Ukuthi abantu kufanele bashintshe izimpilo zabo / baphenduke futhi balungiselele ukubuya koMhlengi
2. Umbuzo: Ingabe kungani uJohane wayengafuni ukubhapathiza uJesu na?
Impendulo: Wabona uJesu njengoMesiya / uMhlengi futhi wazizwa engafanelekile
3. Umbuzo: Ingabe uNkulunkulu wamamukela kanjani uJesu njengeNdodana yaKhe na?
Impendulo: UMoya waKhe wehlela ngokusobala kuJesu usesimweni sejuba futhi uNkulunkulu wathi: "Lo yiNdodana yaMi ethandekayo, engithokozile ngaYo."
4. Umbuzo: Ingabe yini okudingekayo ukuze samukeliswe uMoya oNgcwele na?
Impendulo: kumele sibhapathizwe ngamanzi (Ubhapathizo oluNgcwele) kuqala.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane, Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlalana naYe, Amen